



Disposiziun dal departament

Directivas davart l'inoltraziun da dumondas per contribuziuns tenor la lescha da scola

En il sectur da las ulteriuras contribuziuns tenor la lescha da scola (tranter auter contribuziuns per purschidas per uffants da lingua estra, contribuziuns a la furmaziun supplementara da persunas d'instrucziun, contribuziuns als custs da transport) èn vegnidas pajadas singulas contribuziuns ad instituziuns responsablas per la scola per onns da scola gia terminads sin donn e cust dal preventiv da l'onn da gestiun actual. La cudeschaziun da quests singuls pajaments posteriurs n'ha pia betg pudì vegnir fatga conform a la perioda. Tenor la constataziun da la controlla chantunala da finanzas engrevgescha il pajament posteriur da questas contribuziuns ultra da quai da survegliar ils credits da l'uffizi per la scola populara ed il sport. Tenor la controlla da finanzas na dastgan perquai dumondas per contribuziuns per onns da scola anteriurs betg pli vegnir acceptadas.

Sa basond sin l'art. 98 da la lescha davart las scolas popularas dal chantun Grischun dals 21 da mars 2012 (lescha da scola; DG 421.000) sco er sin l'art. 44 al. 2 lit. a da la lescha davart las finanzas dal chantun Grischun dals 19 d'october 2011 (lescha da finanzas, LFC; DG 710.100)

dispona il departament d'educaziun, cultura e protecziun da l'ambient:

1. Las directivas davart l'inoltraziun da dumondas per contribuziuns tenor la lescha da scola vegnan relaschadas. Ellas pon vegnir chargiadas giu da la pagina d'internet da l'uffizi per la scola populara ed il sport.
2. Communicaziun a: autoritads da scola e direcziuns da scola da las scolas popularas dal chantun Grischun; associaziun dals cussegls da scola dal Grischun (ACSG), signur Peter Reiser, president, Via Curtgin pign 6, 7031 Laax; federaziun da mainascolas dal Grischun (FMSGR), signur Silvio Dietrich, actuar, Strada Curtgin 13, 7130 Glion; Magistraglia Grischun (LEGR), signur Fabio Cantoni, president, Erikaweg 6, 7000 Cuir; finanzas e controlling DECA; uffizi per la scola populara ed il sport.


Martin Jäger, cusseglier guvernativ



Directivas davart l'inoltraziun da dumondas per contribuziuns tenor la lescha da scola

Sa basond sin l'art. 98 da la lescha davart las scolas popularas dal chantun Grischun dals 21 da mars 2012 (lescha da scola) sco er sin l'art. 44 al. 2 lit. a da la lescha davart las finanzas dal chantun Grischun dals 19 d'october 2011 (lescha da finanzas, LFC)

relaschadas dal departament d'educaziun, cultura e protecziun da l'ambient
ils 7 da settember 2015

Art. 1 Inoltraziun da la dumonda

¹ Las instituziuns ch'èn responsablas per la scola inolteschan a l'uffizi la dumonda per contribuziuns ad ura ed emplenida cumpletta.

² L'uffizi examinescha las dumondas e paga las contribuziuns a las instituziuns responsablas per la scola conform a la perioda.

Art. 2 Geners da contribuziuns

¹ Per las suandantas contribuziuns tenor la lescha da scola ston las instituziuns responsablas per la scola inoltrar ina dumonda per onn da scola:

- a) contribuziuns a purschidas per uffants da lingua estra tenor l'artitgel 81;
- b) contribuziuns per viagiantas e per viagiants e per uffants ch'èn admess provisoricamain tenor l'artitgel 82;
- c) contribuziuns a la furmaziun supplementara da las personas d'instrucziun tenor l'artitgel 84;
- d) contribuziuns als custs da transport tenor l'artitgel 85;
- e) contribuziuns ad ulteriuras structures dal di tenor l'artitgel 86;
- f) pauschala supplementara per l'instrucziun da linguas estras sin il stgalim secundar I tenor l'artitgel 88.

Art. 3 Termin e prolungaziun dal termin

¹ Las instituziuns responsablas per la scola ston inoltrar a l'uffizi la dumonda per l'onn da scola terminà cun il formular prescrit inclusiv las agiuntas pretendidas fin ils 31 da fanadur.

² Cun ina dumonda en scrit pon las instituziuns responsablas per la scola dumandar a l'uffizi fin ils 31 da fanadur ina prolungaziun dal termin.

³ En cas motivads po l'uffizi conceder ina prolungaziun dal termin fin il pli tard ils 31 d'october.

Art. 4 Dumondas incumplettas u manglusas

¹ Per dumondas che vegnan inoltradas en moda incumplettas u manglusas po l'uffizi conceder a las instituziuns responsablas per la scola ina prolungaziun supplementara dal termin da maximalmain 3 mais.

² Sch'il termin supplementar na vegn betg observà, na vegnan ils secturs incumplets u manglus da la dumonda inoltrada betg resguardads.

Art. 5 Dumondas inoltradas memia tard

¹ En dumondas inoltradas memia tard na vegni betg entrà.

Art. 6 Entrada en vigur

¹ Questas directivas entran en vigur il 1. d'october 2015.